



20 19 йил « 18 » 07

№ 08-400

« ____ » _____ 20 ____ год

**Ўзбекистон Республикаси олий ва ўрта махсус таълим вазирининг
2019 йил 10 июлдаги 612-сон буйруғи ижросини
таъминлаш тўғрисида**

Ўзбекистон Республикаси олий ва ўрта махсус таълим вазирининг 2019 йил 10 июлдаги “Академик лицейлар қошида фаолият кўрсатаётган барча ахборот-ресурс марказларини тугатиш тўғрисида”ги 612-сон буйруғи ижросини таъминлаш мақсадида

Б У Ю Р А М А Н:

1. Ўзбекистон Республикаси олий ва ўрта махсус таълим вазирининг 2019 йил 10 июлдаги 612-сон буйруғи маълумот ва ижро учун қабул қилинсин.

2. Ўзбекистон Республикаси Президентининг 2019 йил 7 июндаги “Ўзбекистон Республикаси аҳолисига ахборот-кутубхона хизмати кўрсатишни янада такомиллаштириш тўғрисида”ги ПҚ–4354-сон қарори билан:

Алишер Навоий номидаги Ўзбекистон Миллий кутубхонаси қошида 186 та туман (шаҳар) ахборот-кутубхона марказларини ташкил этиш, шунингдек умумтаълим мактаблари ва ўрта махсус, касб-хунар таълими муассасалари қошида фаолият кўрсатаётган барча ахборот-ресурс марказларини тугатилиши;

умумтаълим мактаблари ва ўрта махсус, касб-хунар таълими муассасаларининг тугатилаётган ахборот-ресурс марказларининг китоб фондлари ва штат бирликларини янгидан ташкил қилинаётган туман (шаҳар) ахборот-кутубхона марказларига берилиши;

ахборот-ресурс марказларини тугатишда умумтаълим мактаблари ва ўрта махсус, касб-хунар таълими муассасаларининг кутубхоналарини амалдаги нормативларга мувофиқ тегишли китоб фонди ва штат бирликлари билан бирга сақлаб қолиш тўғрисидаги таклифлар маъқулланганлиги;

туман (шаҳар) ахборот-кутубхона марказларини сақлаш харажатлари туманлар ва шаҳарлар маҳаллий бюджетларида умумтаълим мактабалари ва ўрта махсус, касб-хунар таълими муассасаларининг тугатилаётган ахборот-ресурс марказларини сақлаш учун кўзда тутилган маблағлар, шунингдек қонунчиликда тақиқланмаган бошқа манбалар ҳисобидан амалга оширилиши;

янги ташкил этиладиган ахборот-кутубхона марказларини кадрлар билан тўлдириш биринчи навбатда умумтаълим мактаблари ва ўрта махсус, касб-хунар

таълими муассасаларининг тугатилаётган ахборот-ресурс марказларида фаолият кўрсатаётган малакали кадрлар ҳисобига амалга оширилиши белгиланганлиги инобатга олинсин.

3. Университет ҳузуридаги академик лицей (кейинги ўринларда академик лицей деб аталади) директори Ш. Бобоқулов:

академик лицей қошидаги ахборот-ресурс марказини тугатилишини ҳамда уни негизида академик лицейнинг кутубхонаси ташкил этилишини;

академик лицейнинг ахборот-ресурс марказидаги мавжуд китоб фондини тўлақонли таҳлил қилиш ва таълим жараёнида фойдаланилмайдиган китоблар фондини аниқлаш ҳамда уларни янгидан ташкил қилинаётган туман ахборот-кутубхона марказига ўтказиб бериш чоралари кўрилишини;

академик лицейда ташкил этилаётган кутубхонада тегишли китоб фонди ҳамда Академик лицей ва касб-ҳунар коллежлари бошқарув, техник, хизмат кўрсатувчи ва ўқув-ёрдамчи ходимларининг намунавий штатлари (2019 йил 11 январь, рўйхат рақами 3119)га мувофиқ тегишли штат бирликларини сақлаб қолинишини;

академик лицейнинг штатлар жадвалига тегишли ўзгартиришлар киритилишини;

академик лицейнинг ахборот-ресурс марказини тугатиш якунлари бўйича амалга оширилган ишлар тўғрисида Ўзбекистон Республикаси Олий ва ўрта махсус таълим вазирлиги Янги дастурлар ва ўқув адабиётларнинг жорий этилишини назорат қилиш бош бошқармасига ўз вақтида ахборот киритилишини таъминласин.

4. Молия-иқтисод ишлари бўйича проректор У. Пулатов академик лицей (Ш. Бобоқулов) билан биргаликда бир ой муддатда академик лицейда ташкил этилаётган кутубхона ўқув залини намунавий ҳолатга ва замонавий қиёфага келтириш, ўқув залларидаги компьютерларнинг Интернет тармоғига улаш чораларини кўрсин.

5. Лицей ва коллежлар билан ишлаш бўлими (О. Солиев) академик лицей (Ш. Бобоқулов) билан биргаликда академик лицейда ўқитиладиган фанлар кесимида дарсликлар ва ўқув адабиётлари билан таъминланганлик ҳолатини ўрганиш, зарур дарсликлар ва ўқув қўлланмалари билан таъминлаш чоралари кўрилишини ташкил этсин.

6. Мазкур буйруқ ижросини назорат қилиш проректор Д. Умаров зиммасига юклансин.

Адлия вазири
Ўринбосари – ректор

Е. Канъязов